



Inatsisartunut ilaasortaq
Agathe Fontain, Inuit Ataqtigiit

Aalisariutini aqumiut piginnaasaannik qaffassaanissaq pillugu § 37 naapertorlugu apeqqummut akissut

01. apríl 2015
Sagsnr. 2015-113304
Dok. Nr. 1921568

Asasara Agathe Fontain

Postboks 1029
3900 Nuuk
Tlf: +299 34 50 00
Fax: +299 32 20 73
Email: iknn@nanaq.gl
www.nanaq.gl

Nunatsinni aalisariutini aqumiut piginnaasaannik qaffassaneq pillugu apeqqtinnut qujanaq.

Apeqqutitit Naalakkersuisut sinnerlugit matumuuna ataani akissavakka.

1) Naalakkersuisut aqumiut pikkorissarnikkut qaffassarnissaat iluuseqarfigissamaarpaat?

Akissut: Aalisarnermi niuernermilu aqumiunik annertuumik ilinniartitsisoqartoq Naalakkersuisut aallarniummik oqaatigissavaat.

Aqumiunik ilinniartitsisarnerup Paamiunit Nuummut nuunneqarnerata pilerseqqinneratalu kingorna ilinniartut naammassisartullu amerlinikorujussuupput.

Taamaalilluni Aalisariutini naalakkatut 3. gradimik/kystskipperit ilinniartut maannakkut arfineq marluupput aammalu Aalisariutini naalakkatut 1. gradimik/Sætteskipperit ilinniartut 20-ullutik.

Nuummi 2013-mi aqumiutut ilinniarnert aallartinnerisa kingorna aalisariutini naalakkatut 3. Gradimik 15-it kiisalu Aalisariutini naalakkatut 1. gradimik/Sætteskipperit ataaseq ilinniarnerminni naammassipput.

Ilimagineqarpoq Aalisariutini 3. gradimik/Kystskipperit arfineq marluk aamma Aalisariutini naalakkatut 1. gradimik/Sætteskipperit arfinillit-qulingiluat ukioq manna sapaatit akunnerisa 16-ianni ilinniarnerminni naammassissasut.

Nunatsinni tamani imarsiortunik pikkorissunik inuussutissarsiutini pisariaqartitsineq malillugu ilinniartitsinermi sulilluarneq Naalakkersuisut soorunami nangeqqissavaat.

Naalakkersuisut ilisimatitsissutigissavaat Imarsiornermik ilinniarfimmi aqumiutut ilinniarnerni aqumiunik ilinniartitsinermi nunat tamat akornanni pitsaassutsit (STCW aamma STCE-F) angusassamik toraagaqarluni malinneqartut ilinniarnerrillu tamarmik Søfartsstyrelsenimit akuerineqarnikut pitsaassusiilu qulakkeerneqarnikuullutik.

Nunatsinni aqumiut taamaalillutik Savalimmiuni, Islandimi Danmarkimilu aqumiutut ilinniagaqarnermi assigisaannik tunuliaquteqarput.

2) Nunat tamalaat akornanni imartani aqumiunngorsinnaanermut pisinnaasat qaffassarnissaannut Naalackersuisut qanoq iliuuseqarniarnerlutik?

Akissut: Oqaatigineqareersutut aalisariutini niuerneramilu aqumiunik annertuumik ullumikkut ilinniartitsisoqarpoq, taamaalilluni atorfiit imarsiortunit nunatsinni najugaqartuni inuttalerneqarniassammata.

Taamaalilluni Naalackersuisut immikkoortumi pilersaarutaat anguniagaallu tassaavoq aqumiut ilinniarsimasut maani najugaqartut amerlanerpaajunissaat.

Naalackersuisut qularutigingilaat kilisaatini umiarsuarnilu assartuutit atorfiit pingaaruteqartut inuusuttunik ilinniarsimasorpassuarnik siunissami inuttalerneqarsinnaassasut.

Oqaatigineqareersutut aqumiutut ilinniarnert nunat tamat akornanni akuerisaapput, taamaalilluni aqumiut nunat tamat imartaani sulisinnaallutik.

Allaapput umiarsuarni atorfeqarnermi pissutsit.

Naalackersuisut isumaat naapertorlugu umiarsuaatileqatigiit atorfinitsitsisarneranni qinnuteqartut piginnaasat umiarsuaatileqatigiinnit ujarorneqartut apeqqutaassasut, aammalu umiarsuaatileqatigiiffiit umiarsuaatillillu sulisunik avataaneersunik atorfinitsitsineri malittarisassat malinneqarpata soorunami qinnuteqartunik namminneq atorfinitsitsisinnaapput. Pikkorissuseq kajumissuserlu sumiluunniit atorfinitsitsineri pingaaruteqartuaannarnikuupput.

Imarsiormermik ilinniarfik aqumiut akuersissutaat imarsiormermillu inuussutissarsiuteqarnermik uppernarsaataat atorunnaarsimasut ikiorniarlugit ullumikkut iliuuseqartartorujussuuvoq, taamaalillutik eqqortunik nutaanillu akuersissuteqarniassammata Immamilu inuussutissarsiuteqarnermik uppernarsaateqarniassammata. Tamanna Søfartsstyrelsep aalajangersagai malillugit pisarpoq.

3) Piginnaanngorsaqqinnermut pikkorissarnerit suut pisariaqarpat?

Akissut: Nunat tamat akornanni isumaqatigiissutinut STCW aamma STCW-F tunngatillugu pikkorissarnerit naleqquttut tamaasa Imarsiormermik ilinniarfiup ingerlattarpai.

Imarsiormermik inuussutissarsiuteqarsinnaaneq taamaalilluni imarsiortuunermik uppernarsaatit pigiinnarnissaannut akuersissutit pigiinnarnissaannut nutarternissaannullu Imarsiormermik ilinniarfimmi uku periarfissaapput:

GMDSS (Radio) LRC, ullut qulingiluat, Nuuk (sumiiffinni radioqarpat taakkunani ingerlanneqarsinnaapput).

GMDSS (Radio) GOC, ullut aqqanillit, Nuuk

RADAR-imik pikkorissarneq, ullut tallimat, Nuuk (Simulatori atorneqassaaq)

ARPA-mik pikkorissarneq, ullut tallimat, Nuuk (Simulatori atorneqassaaq)

ECDIS-mik pikkorissarneq, ullut tallimat, Nuuk (Simulatori atorneqassaaq)

Nakorsaataasivik B, ulluni tallimani pikkorissarneq, Fanømi Center for det Maritime Sundhedsvæsen suleqatigalugu Nuummi ingerlanneqartarpoq. Uppernarsaammik pissarseqqittarneq sinerissami ingerlanneqarsinnaavoq.

Nakorsaataasivik A, ulluni qulini pikkorissarneq, Fanømi Center for det Maritime Sundhedsvæsen suleqatigalugu Nuummi ingerlanneqartarpoq.

Ikuallattunik qamiterineq, ullunit pingasuni (tallimani), Nuummi ingerlanneqartarpoq (Qatserisartut ilinniarfiat). Qamitarinermi ilinniarfimmi pitsaassusaanik qulakkeerneqarsimasumi ingerlanneqassaaq.

Immami sillimaniarnermik pikkorissarneq, ullut pingasut, sikoqannginnersut apeqqutaatillugu sumiiffinni tamani ingerlanneqarsinnaavoq.

4) Pikkorissarnerit qanoq sivilutigisarpat? Sumilu pikkorissaasoqartarpa?

Akissut: Apeqqummut 3-mut akissut aamma takujuk.

Inuit imarsiornermik inuussutissarsiuteqarnermik uppersarsaammik (ukiut tallimat qaangiunneranni atorunnaartartumik) nutarterisimangitsut pineqarpata saaffiginnissut – inummit toqqaannartumik imaluunniit Imarsiornermik Ilinniarfik aqqutigalugu – tunngavigalugu imarsiornermik inuussutissarsiuteqarnermik uppersarsaatip pissarsiareqqinnissaanut ilinniarnermi immikkoortut sorliit ingerlanneqassanersut søfartsstyrelsen isummerfigissavaa.

Tassaagajussaaq Imarsiornermi Ilinniarfimmi pikkorissarneq misilitsinnerlu ataatsimoortillugit, tassani pineqartoq sammisanik assigiinngitsunik arlalinnik oqaasiinnartigut apersorneqarluni kiisalu tamassuma kingorna simulatorimi immami angalanissamik pilersaarusiortuni. Misilitsinnginnermi sivikinnerpaamik sapaatit akunnerini pingasuni nammineq piareersarnissaq Imarsiornermik Ilinniarfiup inassuteqaatigaa.

Inussiarnersumik inuulluaqqusillunga


Nivi Olsen